

小謨觴館詩文集注

小
說
新
編
卷
之
一

小謨觴館詩續集注卷第一

錢唐孫

元培

纂輯

長熙

胡香海郡司馬

森

以其友人所寫養茗圖索題

丁卯

廿年空學相如賦不得金莖一杯露蟻邱乞徧道旁漿
瑤草春山隔烟霧世味年來似紗薄便飲頭綱亦奚樂
鳳團拌負縷金花恨負樵青舊僮約何人手支折脚鎗
薜蘿靜掩衡門清蟹眼魚眼細細生側耳笑聽吹瓶笙
百沸定作颼颼鳴江湖卻感風波夢一樣松濤海雨聲

李商隱漢宮詞侍臣最有相如渴不賜金莖露一杯
陸游詩世味年來薄似紗

蘇軾七年九月自廣

陵召還詩上人問我遲留意待賜頭綱八餅茶自注
尚書學士得賜頭綱龍茶一斤 歐陽修歸田錄茶
品莫貴於龍鳳謂之團茶宮人往往縷金花於其上
唐書張志和傳帝賜奴婢各一志和配爲夫婦奴
日漁童女日樵青 蘇軾試院煎茶詩蠨眼已過魚
眼生颼颼欲作松風鳴 蘇軾瓶笙詩引庚辰八月
二十八日劉幾仲餞飲東坡中觴聞笙簫聲杳杳若
在雲霄間徐察之出于雙瓶水火相得自然吟嘯坐
客驚歎請作
瓶笙詩記之

明晉府寧化王琴歌

曾都轉席間見此

我昔驅車晉陽郡明祖諸孫故宮燼金牀玉几委道旁
遺琴乃見寧化王淮南伍被飛章起國勢當時幾遷徙
卽看奇變在垣簾那有和聲到宮徵螳螂捕蟬競相逐
輾轉殺機騰骨肉不須更令雍門彈已是人間可哀曲

三百年來音響沈七絃漠漠苔花侵此中何限中山淚
促柱明徽了無謂手如白雨頭如山撾鼓卻憶唐寧藩
漢書伍被傳被詣吏自告與淮南王謀反天子以伍
被雅詞多引漢美欲勿誅張湯曰被首爲王畫反計
罪無赦遂誅被後漢書蔡邕傳人有以酒召邕者
客彈琴于屏邕聽之曰以樂召我而有殺心何也遂
反主人問故彈琴者曰我見螳螂方捕蟬吾心聳然
惟恐螳螂之失之也此豈謂殺心而形于聲乎邕曰
此足以當之矣人間可哀曲已見前集詩注例不
復出漢書中山靖王勝傳天子置酒勝聞樂聲而
泣問其故勝曰今臣心結日久每聞幼眇之聲不知
涕泣之橫集也段成式酉陽雜俎明皇帝伺察諸
王寧王常夏中揮汗輓鼓所讀書乃龜茲樂譜也上
喜曰天子兄弟當極醉樂耳南卓羯鼓錄宋開府
璟善羯鼓與上論鼓事曰頭如青山峰手如白雨點
明史太祖諸子晉王櫟傳子濟熿爲晉王益暴橫
宣宗卽位密結高煦謀不軌寧化王濟煥告變論死

伊墨卿太守以重修朝雲墓碑拓本屬題用頻

伽疊次東坡韻再和二首

楚些誰招嶺外天
華嚴應解箇中元
三生易醒梨花夢
九死同參薝蔔禪
露電豈消眞慧業
海山可有再來緣
香車莫說西陵路
綯袂羅浮一種仙

蘇軾梅花詞高情已逐曉雲空不與梨花同夢

龔

頤正芥隱筆記東坡西江月條注侍兒朝雲新亡其

寓意爲朝雲作

蘇軾蒲澗寺詩昔日菖蒲方士宅

後來薝蔔祖師禪

李賀蘇小小墓詩油壁車久相

待冷翠燭勞光彩

西陵下風吹雨

使君高義感人天
黃絹新辭妙入元
兒女恩情歸大節
春韶風絮悟初禪
香泥長護深深玉
翠墨平添種種緣

自笑夢中無彩筆也書花葉當遊仙

李商隱牡丹詩我是夢中
傳彩筆欲思花葉寄朝雲

次韻荅袁湘湄徵君棠邗上見貽之作

老頻

頻伽

奔走劇堪憐

鐵門生春

守片羶幾輩故人

殘夢外一番相見落花前才華少日鋒都退煙雨橫塘

纜又牽莫更臨流雙照影漂零禁得十三年

乾隆乙卯
予與湘湄

同客
淮上

元作

吳江
袁棠
湘湄

乞食淮陰劇可憐一星終矣尙寒羶客懷牢落何如

舊風貌清腴略勝前莫話茫茫身世感生憎惘惘別

小謔解官言終集注卷一 三
情牽六朝哀豔文心苦老卻幽并俠少年

桓伊吹笛圖

江東典午衣冠族解賞高遷椽十六塵中久絕廣陵散
岸上猶聞野王曲青溪琴瑟風泠泠汀花搖月月不行
誰知橫管一雙手曾埽百萬苻堅兵柯亭絕品平生重
不惜相逢爲此弄卽今俗耳喜箏琶誰問空山嘯鸞鳳
多少焦桐出爨薪識曲果否聽其真不須更說中郎賞
便是王郎有幾人

劉義慶世說王子猷舊聞桓子野善吹笛而不相識
遇桓子岸上有識之者王便令人與相聞曰君善吹
笛試爲我一奏桓時已貴顯素聞王名卽踞胡牀爲
作三調弄畢上車去客主不交一言 吳淑事類賦

注引文士傳蔡邕告吳人曰吾昔嘗經會稽高遷亭
見屋東第十六椽可爲笛取用果有異聲 伏滔長
笛賦序蔡邕宿于柯亭柯亭之館以竹
爲椽仰而眄之日良竹也取以爲笛

首夏歸白邗上憶篠園芍藥

一百六日春可買三十一種花成海名園上日例開樽
酒氣花香夢中在春燈萬焰光罩庭紅雲紫霧團作屏
碧天搖搖無一星宮衣笑卷千娉婷歌管年年玉缸倒
高城不聽更籌報只道杯分婪尾濃都忘草是將離號
放手搏沙那可知江鴻社燕各相思多情卻早輸黃九
繭栗梢頭鬢已絲

王觀芍藥譜揚之人無貴賤皆喜戴花故開明之間
方春之日拂旦有花市焉舊譜只取三十一品今有

三十四品 陶穀清異錄桑維翰曰唐末文人有謂
芍藥爲婪尾春者婪尾酒乃最後之名芍藥殿春亦
得是名 崔豹古今注牛亨問曰將離相別贈以芍
藥何也董子荅曰芍藥一名可離將別故贈之亦猶
相招以文無故文無名當歸 黃庭堅
詩紅藥梢頭初繭栗揚州風物鬢成絲

追憶

春侶嬉春春事幽管絃叢外獨扁舟小橋流水三叉路
落日垂楊一角樓空有夢回尋舊境更無人解此清遊
酒徒散盡雷塘遠冷月明明照玉勾

望月

初三便望月朧明盼到團圓皓魄盈那得天公解人意
下弦風雨上弦晴

晚雨

小眠齋傍薜蘿幽
橘刺藤梢颯似秋
向晚關門逢驟雨
綠陰如幄不遮頭

浪說

浪說文章敵子虛
經囊空逐鄭君車
人間自有邨夫子
穩坐瓜棚飽說書

秣陵旅次寄呈胡果泉方伯

克家

五十韻

歸昌耀神姿未見心
已折遠道揚旃檀
聞風早馨烈曩

交樂

蓮裳

與吳

巢松

語若簧儷瑟縱論及賢豪
盱衡徧簪紱

雲霞各有契金石疇可結
舍面求其心見百乃逢一
峩

峩鄱陽公矯矯會昌筆
輶簞甄羣髦春薪判曹律
宏收樹人效惻解茶網密
出把天南符重持楚湘節
鯨鯢斂吮磨鳩鵠蘇沸鬱
翩彼飛鴟音詎溷威鳳質
忠規楓宸孚孝緒蘭膳潔
峻玉陵嚴霜煦顏貯冬日
高情寄弦酌傾挹到寒乞
噓張哲人風推送襟抱月
誰於軒裳中具此軼塵骨
霄路何迢迢前言記兀兀
昨來鎮吳會桑梓慶雲拂
戴斗固夙懷拜塵恥干謁
豈知禰生刺猥接文侯膝
管牀酒三升鄴架籤萬帙
傾盂燭花爛鑒古芸氣醇
蘿袞無町畦心肝有披豁
昔公登黌舍外舅所首拔
外舅蔣時菴先生督學江右按饒郡日公方應童子試卽溪器公補博士弟子員第一

蒼茫溯師

門愴懷念門閥一瓣謝家香百年衛公笏迴思立朝時
風采昭卿列凱切防河疏周諠徒薪說危言

至尊鑒殊遇崇階栗

外舅官御史時曾上請更河臣疏并條陳治河事宜得旨申飭繼

而南河決河臣獲譴遂加優眷不次遷擢

清節澄寒泉勁幹立古鐵榮雖槐

棘躋貧屢爨樵缺遺孤僅延綫中道天復奪公也甦其

枯童孫得濡沫卽茲風義古足驗政心實舊德且無負

報稱況魏闕單門厓嘯號矧在兆人室三吳彙財賦百

吏承考察長當安養恬寧復事剗割下走本駑駘引分

等蟣蝨志業日負初虛譽慙忝竊神明銷風塵奇氣害

飢渴如博輒得韃求盧望將絕如賈折閱餘縱獲不償

失行期老菰蘆遑敢逐巾褐

予是年始罷應秋試

所恐溝隍委難

免心志屈六燾風正揚庶彙儻能活涼風吹江波秋色

戰華髮煩腸耐幾沃遄翰德聊述請更示樂吳當無嗤

坦率

魏志管輅傳注輅別傳單子春大會賓客輅問子春

府君名士加有雄貴之姿輅既年少膽未堅剛請先

飲三升清酒然後而言之韓愈送諸葛覺往隨州

讀書詩鄴侯家多書插架三萬軸一一懸牙籤新若

手未觸韋端符衛公故物記象笏一差狹不類今

笏者按唐書魏謩傳帝問卿家書詔頗有存者乎謩

對惟故笏尙在詔令上送云云此魏鄭公笏又一事

荀子修身篇良賈不爲折閱不市注折閱謂損其

所賣物價也杜甫將適吳楚留別章使君留

後兼幕府諸公詩常恐性坦率失身爲杯酒

汪耐山同守

彥國

招集趣園分詠飲中八仙得

焦遂

飲中八仙官者七殿以焦公布衣一當時自重孝然高
後世訛傳子雲吃雲飛泥伏跡豈真少陵亦是蓬蒿人
韜精荒宴各有託醉鄉寧以升沈分我聞崑山有陶峴
自置三舟客能選彥深卿雲皆俊人可惜同時不同湏
平生涉世憂患纏爛醉往往全其天徑思痛飲覓五斗
但莫高譚驚四筵

魏志管寧傳注時有隱者焦先河東人也魏畧曰先
字孝然漢書揚雄傳口吃不能劇談唐史拾遺
焦遂口吃醉後酬荅如注時目爲酒吃袁郊甘澤
謠陶峴製三舟客有孟彥深孟雲卿焦遂各置僕妾
共載杜甫飲中八仙歌焦遂
五斗方卓然高談雄辨驚四筵

書汪竺君元爵五言古詩冊後二首

妙擅天揚手非調爨下桐潛蛟光鬱律雛鳳噉清雄問

字揆奇數

謂君師楊叔溫雲璈

鳴陰答響同

君尊人耐山亦

翻嫌

遼海客多事怨秋風

詩派斐江正聲名阿士聯

謂耐山甥陸子鐵元文

全家濃道氣一

色鬪春妍逝水看前輩扶輪讓少年高歌青眼裏惆悵

撫華顛

南史劉孝綽傳七歲能屬文王融賞異之每日天下文章無我當歸阿士杜甫短歌行仲宣樓頭春色深青眼高歌望吾子眼中之人吾老矣

寄賓谷廉訪湖南四十韻

東閣樽罍散南天驛使遙流光看電激歧路感蓬飄沅
芷三秋在湘煙九面消建幢神獬肅行郡玉驄驕政暇
聽巴誦官清采楚謠也應收骨駿豈但革音鳴獨客成
浮梗寒山擬拾樵無糧資雁鴛何樹穩鷓鴣憶鼓橫江
楫初停倦旅橈當關無片刺埽徑有連招此地川交陸
明公斗建杓門寬容御李齋迴合題蕭折節延崔蔡忘
年訂札僑扶輪總詞伯團蓋必儒臬酒德更番頌琴心
宛轉調香酣金鼎膩茶嫩碧甌澆楊葉華林射蓮花玉
女驍羣仙高會賦明月可憐宵僑士皆都雅箏人各冶
姚霓裳翻疊拍星珣憎咸韶讀畫鴉义拓飛箋蠟淚挑